



**საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის სამინისტრო**

**Ministry of Internally Displaced Persons from the Occupied Territories,
Labour, Health and Social Affairs of Georgia**



KA030105905328219

საქართველო, თბილისი 0119, აკ.წერეთლის გამზ.144; ტელ.: (+995 32) 251 00 11; ცხელი ხაზი: (+995 32) 251 00 26; 15 05; ელ.ფოსტა: info@moh.gov.ge
144 Ak.Tsereteli ave., 0119, Tbilisi, Georgia; Tel: (+995 32) 251 00 11; Hot line: (+995 32) 251 00 26; 15 05; E-mail: info@moh.gov.ge

№ 01/15086

26 / აგვისტო / 2019 წ.

სსიპ სახელმწიფო ქონების ეროვნულ სააგენტოს

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრომ განიხილა თქვენი N4/66419 წერილი, რომელიც შეეხება 01.12.2011-03.12.2018 პერიოდში, ერთი მხრივ. საქართველოს ეკონომიკისა და მდგრადი განვითარების სამინისტროს (უფლებამონაცვლე სსიპ - სახელმწიფო ქონების ეროვნული სააგენტო (შემდგომში „სააგენტო“)), საქართველოს შრომის, ჯანმრთელობისა და სოციალური დაცვის სამინისტროს (შემდგომში „სამინისტრო“) და მეორე მხრივ, შპს „არქიმედეს“ (შემდგომში „მყიდველი“) შორის 2011 წლის 27 სექტემბრის ნასყიდობის ხელშეკრულებით ნაკისრი ვალდებულებების დადასტურების საკითხს.

2011 წლის 27 სექტემბერს, ერთი მხრივ საქართველოს ეკონომიკისა და მდგრადი განვითარების სამინისტროს („გამყიდველი“), შრომის, ჯანმრთელობისა და სოციალური დაცვის სამინისტროს („სამინისტრო“) და მეორე მხრივ შპს „არქიმედეს კლინიკას“ („მყიდველი“) შორის გაფორმდა ნასყიდობის ხელშეკრულება, რომლის თანახმად, მყიდველს სიმბოლურ ფასად (1 (ერთ) ლარად) გადაეცა ხელშეკრულების დანართი 1-ის მე-2 პუნქტით განსაზღვრული მოძრავი ქონება, და ამავე მუხლით 2.1. ქვეპუნქტში მითითებულ თანხად - დანართი 1-ის 1-ლი პუნქტით განსაზღვრული უძრავი ქონება. აქედან, 2.4. ქვეპუნქტის თანახმად, „მყიდველს“ ქონება გადაეცემა 3.1.7. პუნქტით ნაკისრი ვალდებულების შესრულების პირობით, რომელიც გულისხმობდა: „უზრუნველყოს დანართი № 5-ით გათვალისწინებული ბაზისური სამედიცინო სერვისების უწყვეტობა ლაგოდეხის და სიღნაღის მუნიციპალიტეტებში, შესაბამისი სახელმწიფო პროგრამების ფარგლებში გარდამავალი პერიოდის დასასრულიდან 7 წლის განმავლობაში და დანართი № 5-ში განსაზღვრული სპეციფიური პირობების გათვალისწინებით და გეოგრაფიული ხელმისაწვდომობის პრინციპის დაცვით. ამასთან, ამავე პუნქტით განსაზღვრული ვალდებულება დედოფლისწყაროს მუნიციპალიტეტებში უზრუნველყოს მხოლოდ დანართი №5-ის პირველი პუნქტის შესაბამისად“.

ხელშეკრულების მე-4 მუხლის 4.4 პუნქტის თანახმად, „ხელშეკრულების 3.1.7 პუნქტით გათვალისწინებული ვალდებულებები შესრულებულად ითვლება „სამინისტროს“ მიერ მომზადებული დასკვნის საფუძველზე „გამყიდველის“ მიერ მათი დადასტურების მომენტიდან. „სამინისტრო“ ვალდებულებების შესრულების შესახებ დასკვნას „გამყიდველს“ წარუდგენს იმ შემთხვევაშიც, თუ ჯანმრთელობის დაცვის შესაბამისი სახელმწიფო პროგრამების ფარგლებში გამოვლინდა სერვისების ალტერნატიული მიმწოდებელი, ამავე მიმწოდებლის მიერ აღებული ვალდებულებების მოქმედების პერიოდის განმავლობაში“.

თუ გავითვალისწინებთ 27.09.11წ ხელშეკრულების პირობას, რომ ბაზისური სერვისების უზრუნველყოფის ვალდებულება „მყიდველს“ (შპს „არქიმედეს კლინიკა“) ეკისრებოდა გარდამავალი პერიოდის დასასრულიდან 7 წლის განმავლობაში, ხოლო გარდამავალი პერიოდი განისაზღვრა „ხელშეკრულების გაფორმებიდან არაუგვიანეს 2011 წლის 1 ოქტომბრიდან „სახელმწიფო პროგრამების ფარგლებში მოსახლეობის ჯანმრთელობის დაზღვევის მიზნით გასატარებელი ღონისძიებებისა და სადაზღვევო ვაუჩერის პირობების განსაზღვრის შესახებ“ საქართველოს მთავრობის 2009 წლის 9 დეკემბრის № 218 დადგენილების მე-8 მუხლის მე-7 პუნქტით გათვალისწინებული ვადის დადგომამდე“, რაც გულისხმობს ლაგოდეხისათვის 2011 წლის 1 დეკემბერს, ხოლო სიღნაღისათვის (წნორისათვის) - 2012 წლის 1 მარტს.

შპს „არქიმედეს“ მიერ ხელშეკრულებით ნაკისრი ვალდებულებების, კერძოდ, ბაზისური სერვისების უწყვეტობის ვალდებულების შესრულების შესახებ ინფორმაცია უკვე მოგეწოდათ 2017 წლის 20 იანვრის N01/3225 წერილით, ვალდებულებების დასაწყისიდან 2016 წლის 15 სექტემბრის ჩათვლით პერიოდისთვის. ამჟამად წარმოგიდგენთ ბაზისური სერვისების უწყვეტობის ვალდებულების შესრულების შესახებ ინფორმაციას 2016 წლის 16 სექტემბრიდან 2018 წლის 3 დეკემბრის ჩათვლით.

როგორც ზემოაღნიშნულ წერილშია მითითებული, იმისათვის, რომ ვალდებულებით განსაზღვრული სერვისების მიწოდება ჩაითვალოს შესრულებულად, სერვისის მიმწოდებელი, ხელშეკრულებით განსაზღვრული ბაზისური სერვისების წარმოების ვადის ფარგლებში, უნდა აკმაყოფილებდეს შემდეგ პირობებს:

ა) პირველ რიგში, უნდა გააჩნდეს განსაზღვრული სერვისის წარმოების უფლება, რისთვისაც, სამედიცინო საქმიანობის სპეციფიკის შესაბამისად, უნდა ჰქონდეს: ან სტაციონარული დაწესებულების ნებართვა და თუ საჭიროა, შესაბამისი სამედიცინო საქმიანობის განხორციელებისათვის აუცილებელი სანებართვო დანართი; ან საქმიანობის ლიცენზია; ან შეტყობინება მაღალი რისკის შემცველი ამბულატორიული საქმიანობის წარმოების თაობაზე. ამასთან, გასათვალისწინებელია, რომ ბაზისური სერვისებიდან, შესაძლებელია, ზოგიერთი სერვისების წარმოება არ მოითხოვდეს ლიცენზიის/ნებართვის ან შეტყობინების არსებობას.

როდესაც ჩვენს მიერ მოწოდებულ ინფორმაციაში აღნიშნულია ლიცენზიის, სტაციონარული ნებართვისა და ნებართვის დანართის ან მაღალი რისკის ამბულატორიულ საქმიანობაზე შეტყობინების არარსებობა, ნიშნავს, რომ სერვისის მიმწოდებელს („მყიდველს“) ვალდებულების შესასრულებლად სჭირდებოდა შესაბამისი უფლების ქონა, მაგრამ სამინისტროს უფლებამოსილი უწყების მიერ მოწოდებული ინფორმაციით არ დასტურდება „მყიდველის“ მიერ შესაბამისი ბაზისური სერვისის შესრულების ის ლეგალური საფუძვლები, რაც უკავშირდება კონკრეტული ბაზისური სერვისის წარმოების უფლებას.

ბ) სერვისის მიმწოდებელი სამედიცინო დაწესებულება, შესაბამისი სახელმწიფო პროგრამების ფარგლებში, უწყვეტად უნდა ახდენდეს ბაზისური სერვისების ნუსხით გათვალისწინებულ მომსახურების მიწოდებას ხელშეკრულებაში მითითებულ მუნიციპალიტეტ(ებ)ში.

როდესაც ჩვენს საპასუხო წერილში აღნიშნულია, რომ ჯანმრთელობის დაცვის სახელმწიფო პროგრამების განმახორციელებელ უწყებებში არ ფიქსირდება ინფორმაცია სერვისის მიმწოდებლის („მყიდველი“) მიერ ბაზისური სერვისების შესრულების შესახებ საანგარიშო პერიოდში, ეს ნიშნავს, რომ სამინისტროს არ შეუძლია დაადასტუროს „მყიდველის“ მიერ შესაბამისი ბაზისური სერვისის მიწოდების ვალდებულება აღნიშნულ პერიოდში, მიუხედავად იმისა, ფლობდა თუ არა იგი საქმიანობის წარმოების უფლებას.

1. ინფექციური დაავადებების მკურნალობის ხელმისაწვდომობის უზრუნველყოფა

საქმიანობის უფლება: სსიპ სამედიცინო საქმიანობის სახელმწიფო რეგულირების სააგენტოში არსებული ინფორმაციით, სტაციონარული სამედიცინო დაწესებულების ნებართვის სანებართვო დანართს ინფექციური დაავადებების მკურნალობისათვის ფლობს შპს „არქიმედეს კლინიკის“ ლაგოდების სამედიცინო დაწესებულება (გაცემის თარიღი 16.12.11წ). შესაბამისად, მას გააჩნია აღნიშნული საქმიანობის წარმოების უფლება როგორც სტაციონარულად, ისე ამბულატორიულად ერთი და იგივე მისამართზე.

ხელშეკრულებით გათვალისწინებული გარდამავალი პერიოდის დასრულებიდან 2018 წლის 3 დეკემბერამდე, სსიპ სამედიცინო საქმიანობის სახელმწიფო რეგულირების სააგენტოს ინფორმაციით, სიღნაღის მუნიციპალიტეტში „არქიმედეს“ სამედიცინო დაწესებულება არ ფლობს სტაციონარული დაწესებულების ნებართვის სანებართვო დანართს - ინფექციური დაავადებების მკურნალობა და არც შეტყობინება აქვს გაკეთებული მაღალი რისკის საქმიანობაზე - ინფექციურ დაავადებებთან (მათ შორის, აივ ინფექციასთან/შიდსთან) დაკავშირებული საქმიანობა. შესაბამისად, ამავე პერიოდში მას არ გააჩნია აღნიშნული საქმიანობის წარმოების უფლება არც სტაციონარულად, არც ამბულატორიულად სიღნაღის მუნიციპალიტეტში.

სახელმწიფო პროგრამები: შპს „არქიმედე“, 2017 წლის 1 მარტიდან - 2017 წლის 31 დეკემბრის ჩათვლით, ლაგოდების მუნიციპალიტეტში არ ფიქსირდება არც ინფექციური დაავადებების მართვის სახელმწიფო პროგრამის მიმწოდებლად, და არც ამბულატორიული საქმიანობის მიმართულებით არ ახორციელებდა შესაბამის სერვისებს, რადგან საყოველთაო ჯანდაცვის გეგმური ამბულატორიის კომპონენტი შესაბამისი ბენეფიციარებისთვის, 2017 წლის 1 მარტიდან აღარ ითვალისწინებს ინფექციონისტთან ვიზიტს. დანარჩენ პერიოდში (გარდამავალი პერიოდიდან ანგარიშგების თარიღამდე) იგი უზრუნველყოფდა ინფექციური დაავადებების მკურნალობის ხელმისაწვდომობას.

პატივისცემით,

მინისტრის მოადგილე

ხელმოწერილია/
შტამმდგენი
ელექტრონულად



გიორგი ნონკოლაური